

第一八冊目次

佛說阿彌陀經二卷	吳支謙譯	一
佛說無量壽經二卷	曹魏康僧鎧譯	四三
佛說阿閼佛國經二卷	後漢支婁迦識譯	七三
佛說大乘十法經一卷	梁僧伽婆羅譯	一〇四
佛說普門品經一卷	西晉竺法護譯	一二〇
佛說胞胎經一卷	西晉竺法護譯	一二九
文殊師利佛土嚴淨經二卷	西晉竺法護譯	一四一
法鏡經二卷	後漢安玄共嚴佛調譯	一六七
郁迦羅越問菩薩行經一卷	西晉竺法護譯	一八六
幻士仁賢經一卷	西晉竺法護譯	二〇五
佛說決定毗尼經一卷	東晉敦煌三藏譯	二一九
發覺淨心經二卷	隋闍那崛多譯	二三二
佛說優填王經一卷	西晉法炬譯	二五三
佛說須摩提經一卷	西晉竺法護譯	二五七
佛說須摩提菩薩經一卷	姚秦鳩摩羅什譯	二六三
佛說離垢施女經一卷	西晉竺法護譯	二七一

佛說阿闍世王女阿術達菩薩經一卷	西晉竺法護譯	二八九
得無垢女經一卷	元魏般若流支譯	三〇三
文殊師利所說不思議佛境界經二卷	唐菩提留志等譯	三二三
佛說如幻三昧經三卷	西晉竺法護譯	三四一
善住意天子所問經三卷	元魏毗目智仙共流支等譯	三八七
太子刷護經一卷	西晉竺法護譯	四三一
佛說太子和休經一卷	僧祐錄云安公錄中失譯	四三四
慧上菩薩問大善權經二卷	西晉竺法護譯	四三七
大乘顯識經二卷	唐地婆訶羅等譯	四六七
佛說大乘方等要慧經一卷	後漢安世高譯	四八二
彌勒菩薩所問本願經一卷	西晉竺法護譯	四八三
佛說遺日摩尼寶經一卷	後漢支識譯	四八九
佛說摩訶衍寶嚴經一卷	晉代失譯	五〇一
勝鬘師子吼一乘大方便方廣經一卷	劉宋求那跋陀羅譯	五一七
毗耶娑問經二卷	後魏瞿曇般若流支譯	五三一
大方等大集經三十卷(一)	北凉曇無讖譯	五五七

佛說阿彌陀經卷上

乃六

吳代月支國優婆塞支謙譯

佛在羅閱祇耆闍崛山中時有摩訶比丘僧
萬二千人皆淨潔一種類皆阿羅漢賢者拘
隣賢者拔致賢者摩訶那弥賢者舍屍賢者
須滿曰賢者維末抵賢者不遇賢者迦爲拔
抵賢者憂爲迦葉賢者那履迦葉賢者那翼
迦葉賢者舍利弗賢者摩訶目犍連賢者摩
訶迦葉賢者摩訶迦旃延賢者摩訶揭曷賢
者摩訶拘私賢者摩訶梵提賢者邠提文陀
弗賢者阿難律賢者難提賢者甄脾抵賢者
須楓賢者蚤越賢者摩訶羅倪賢者摩訶波
羅延賢者波鳩曇賢者難持賢者滿楓曇賢
者燕揭賢者曷越如是諸比丘僧甚衆多數
千億萬人悉諸菩薩阿羅漢無央數不可復
計都共大會坐皆賢者也時佛坐息思惟正
道面有九色光數千百變光色甚大明阿難
即起更披袈裟前以頭面著佛足却長跪叉

手問佛言今日佛面光色何以時時更變明
乃尔乎今佛面光精數千百色上下明好乃
如是我侍佛以來未曾見佛面有如今日色
者我未曾見三耶三佛光明威神乃尔獨當
有意願欲聞之佛言賢者阿難有諸天神教
汝若諸佛教汝今問我者耶汝自從善意出
問佛耶阿難白佛言無有諸天神教我亦無
諸佛教我今問佛也我自從善心知佛意問
佛耳每佛坐起行來出入所欲至到當所作
爲諸所教勅者我輒知佛意今佛獨當念諸
已過去佛諸當來佛若他方佛國今現在佛
獨展轉相思念故佛面色光明乃尔耳佛言
善哉善哉賢者阿難汝所問者甚深大快多
所度脫若問佛者勝於供養一天下阿羅漢
辟支佛布施諸天人民及蜎飛蠕動之類累
劫百千億萬倍也佛言阿難今諸天世間帝
王人民及蜎飛蠕動之類汝皆度脫之佛言
佛威神甚重難當也汝所問者甚深汝乃慈

心於佛所哀諸天帝王人民若比丘僧比丘尼優婆塞優婆夷大善當令皆過度之佛語阿難如世間有優曇樹但有實無有華也天下有佛乃有華出耳世間有佛甚難得值也今我出於天下作佛若有大德聖明善心豫知佛意若不妄在佛邊侍佛也佛告阿難前

分地上

二

以過去事摩訶僧祇以來其劫無央數不可復計乃今時有過去佛名提悉竭羅次復有佛名旃陀倚已過去次復有佛名須摩扶劫波薩多已過去次復有佛名維末樓已過去次復有佛名阿難那利已過去次復有佛名那竭脾已過去次復有佛名耆梨俱無波羅

夜蔡已過去次復有佛名弥離俱樓已過去次復有佛名較陀尼已過去次復有佛名朱蹄波已過去次復有佛名凡扶牴已過去次復有佛名隨樓勒耶已過去次復有佛名旃陀危斯已過去次復有佛名須那維于沙已過去次復有佛名拘遷弥鉢摩耆已過去次

復有佛名屍利滑鼓已過去次復有佛名摩訶那提已過去次復有佛名耆頭摩提已過去次復有佛名羅隣祇離已過去次復有佛名俞樓俱路蔡已過去次復有佛名滿呼羣尼鉢賓頗已過去次復有佛名旃陀迦史拔瑟沙已過去次復有佛名旃陀蔡拘牟已過

去次復有佛名滿波蚤頻尼已過去次復有佛名較波瑟斯已過去次復有佛名阿耨祇陀揭蚤已過去次復有佛名勿署提已過去次復有佛名質夜蔡已過去次復有佛名曇摩瑟提已過去次復有佛名篩耶維頗質已過去次復有佛名樓耶帶已過去次復有佛

分地上

三

名僧迦羅弥樓迦帶已過去次復有佛名曇時摩提阿維難提已過去佛告阿難次復有佛名樓夷亘羅在世間教授壽四十二劫乃今時世有大國王王聞佛經道心即歡喜開解便棄國捐王行作沙門字曇摩迦作菩薩道為人高才智慧勇猛與世人絕異往到樓

夷亶羅佛所前為佛作礼却住長跪叉手白
佛言我欲求佛為菩薩道令我後作佛時於
八方上下諸無央數佛中最尊智慧勇猛頭
中光明如佛光明所照無極所居國土自
然七寶極自濡好令我後作佛時教授名字
皆聞八方上下無央數佛國莫不聞知我名
字者到無央數諸天人民及蚬飛蠕動之類
諸來生我國者悉皆令作菩薩阿羅漢無央
數都勝諸佛國如是者寧可得不得佛語阿難
其樓夷亶羅佛知其高明所願快善即為曇
摩迦菩薩說經言譬如天下大海水一人升
量之一劫不止尚可枯盡令空得其底匠人
至心求道何如當不可得乎求索精進不休
止會當得心中所欲願耳曇摩迦菩薩聞樓
夷亶羅佛說經如是即大歡喜踊躍其佛即
選擇二百一十億佛國土中諸天人民之善
惡國土之好醜為選擇心中所欲願樓夷亶
羅佛說經竟曇摩迦便一其心即得天眼徹

視悉自見二百一十億諸佛國中諸天人民
之善惡國土之好醜即選擇心中所欲願經
得是二十四願經則奉行之精進勇猛勤苦
求索如是無央數劫所師事供養諸已過去
佛亦無央數其曇摩迦菩薩至其然後自致
得作佛名阿彌陀佛最尊智慧勇猛光明無
比今現在所居國土甚快善在他方異佛國
教授八方上下諸無央數天人民及蚬飛蠕
動之類莫不得過度解脫憂苦佛語阿難阿
彌陀佛為菩薩時常奉行是二十四願珍寶
愛重保持恭順精禪行之與眾超絕卓然有
異皆無有能及者佛言何等為二十四願第
一願使某作佛時令我國中無有泥犁禽獸
辟荔蚬飛蠕動之類得是願乃作佛不得是
願終不作佛第二願使某作佛時令我國中
無有婦人女人欲來生我國中者即作男子
諸無央數天人民蚬飛蠕動之類來生我國
者皆於七寶水池蓮華中化生長大皆作菩

薩阿羅漢都無央數得是願乃作佛不得是願終不作佛第三願使某作佛時令我國土自然七寶廣縱甚大曠蕩無極極自徧好所居舍宅被服飲食都皆自然比如第六天王所居處得是願乃作佛不得是願終不作佛第四願使某作佛時令我名字皆聞八方上下無央數佛國皆令諸佛各於比丘僧大座中說我功德國土之善諸天人民蚬飛蠕動之類聞我名字莫不慈心歡喜踊躍者皆令來生我國得是願乃作佛不得是願終不作佛第五願使某作佛時令八方上下諸無央數天人民及蚬飛蠕動之類若前世作惡聞我名字欲來生我國者即便反攻自悔過為道作善便持經戒願欲生我國不斷絕壽終皆令不復泥羣禽獸薜荔即生我國在心所願得是願乃作佛不得是願終不作佛第六願使某作佛時令八方上下無央數佛國諸天人民若善男子善女人欲來生我國用我

五

五

故益作善若分檀布施繞塔燒香散華然燈懸雜繒綵飯食沙門起塔作寺斷愛欲齋戒清淨一心念我晝夜一日不斷絕皆令來生我國作菩薩得是願乃作佛不得是願終不作佛第七願使某作佛時令八方上下無央數佛國諸天人民若善男子善女人有作菩薩道奉行六波羅蜜經若作沙門不毀經戒斷愛欲齋戒清淨一心念欲生我國晝夜不斷絕若其人壽欲終時我即與諸菩薩阿難漢共飛行迎之即來生我國則作阿惟越致菩薩智慧勇猛得是願乃作佛不得是願終不作佛第八願使某作佛時令我國中諸菩薩欲到他方佛國生者皆令不更泥羣禽獸薜荔皆令得佛道得是願乃作佛不得是願終不作佛第九願使某作佛時令我國中諸菩薩阿羅漢面目皆端正淨潔妹好悉同一色都一種類比如第六天人得是願乃作佛不得是願終不作佛第十願使某作佛時令

我國中諸菩薩阿羅漢皆同一心所念欲所言者豫相如意得是願乃作佛不得是願終不作佛第十一願使某作佛時令我國中諸菩薩阿羅漢皆無有婬泆之心終無念婦女意終無有瞋怒愚癡者得是願乃作佛不得是願終不作佛第十二願使某作佛時令我國中諸菩薩阿羅漢皆令心相敬愛終無相嫉憎者得是願乃作佛不得是願終不作佛第十三願使某作佛時令我國中諸菩薩欲共供養八方上下無央數諸佛皆令飛行即到欲得自然萬種之物即皆在前持用供養諸佛悉皆遍以後日未中時即飛行還我國得是願乃作佛不得是願終不作佛第十四願使某作佛時令我國中諸菩薩阿羅漢欲飯時即皆自然七寶鉢中有自然百味飲食在前食已自然去得是願乃作佛不得是願終不作佛第十五願使某作佛時令我國中諸菩薩身皆紫磨金色三十二相八十種好

六

皆令如佛得是願乃作佛不得是願終不作佛第十六願使某作佛時令我國中諸菩薩阿羅漢語者如三百鍾聲說經行道皆如佛得是願乃作佛不得是願終不作佛第十七願使某作佛時令我同視徹聽飛行十倍勝於諸佛得是願乃作佛不得是願終不作佛第十八願使某作佛時令我智慧說經行道十倍勝於諸佛得是願乃作佛不得是願終不作佛第十九願使某作佛時令八方上下無央數佛國諸天人民蜎飛蠕動之類皆令得人道悉作辟支佛阿羅漢皆坐禪一心共欲計數知我年壽幾千億萬劫歲數皆令無有能極知壽者得是願乃作佛不得是願終不作佛第二十願者使某作佛時令八方上下各千億佛國中諸天人民蜎飛蠕動之類皆令作辟支佛阿羅漢皆坐禪一心共欲計數我國中諸菩薩阿羅漢知有幾千億万人皆令無有能知數者得是願乃作佛不得是願

終不作佛第二十一願使某作佛時令我國中諸菩薩阿羅漢壽命無央數劫得是願乃作佛不得是願終不作佛第二十二願使某作佛時令我國中諸菩薩阿羅漢皆智慧勇猛自知前世億萬劫時宿命所作善惡却知無極皆洞視徹知十方去來現在之事得是

終上

七

願乃作佛不得是願終不作佛第二十三願使某作佛時令我國中諸菩薩阿羅漢皆智慧勇猛頂中皆有光明得是願乃作佛不得是願終不作佛第二十四願使某作佛時令我頂中光明絕好勝於日月之明百千億萬倍絕勝諸佛光明焰照諸無央數天下幽冥之衆皆當大明諸天人民蚰飛蠕動之類見我光明莫不慈心得是願乃作佛不得是願終不作佛佛告阿難阿彌陀佛爲菩薩時常奉行是二十四願分檀布施不犯道業忍辱精進一心智慧志願常勇猛不毀經法求索不懈每獨棄國捐王絕去財色精明求願無

所適莫積功累德無央數劫今自致作佛悉皆得之不亡其功也佛言阿彌陀佛光明最尊第一無比諸佛光明皆所不及也八方上下無央數諸佛中有佛頂中光明照七丈有佛頂中光明照一里有佛頂中光明照二里有佛頂中光明照五里有佛頂中光明照十里有佛頂中光明照二十里有佛頂中光明照四十里有佛頂中光明照八十里有佛頂中光明照百六十里有佛頂中光明照三百二十里有佛頂中光明照六百四十里有佛頂中光明照千三百里有佛頂中光明照二千六百里有佛頂中光明照五千二百里有佛頂中光明照萬四百里有佛頂中光明照二萬一千里有佛頂中光明照四萬二千里有佛頂中光明照八萬四千里有佛頂中光明照十七萬里有佛頂中光明照三十五萬里有佛頂中光明照七十五萬里有佛頂中光明照百五十萬里有佛頂中光明照三百萬

里有佛頂中光明照六百万里有佛頂中光明照一佛國有佛頂中光明照兩佛國有佛頂中光明照四佛國有佛頂中光明照八佛國有佛頂中光明照十五佛國有佛頂中光明照三十佛國有佛頂中光明照六十佛國有佛頂中光明照百二十佛國有佛頂中光明照二百四十佛國有佛頂中光明照五百佛國有佛頂中光明照千佛國有佛頂中光明照二千佛國有佛頂中光明照四千佛國有佛頂中光明照八千佛國有佛頂中光明照萬六千佛國有佛頂中光明照三萬二千佛國有佛頂中光明照六萬四千佛國有佛頂中光明照十三萬佛國有佛頂中光明照二十六萬佛國有佛頂中光明照五十萬佛國有佛頂中光明照百萬佛國有佛頂中光明照二百万佛國佛言諸八方上下無央數佛頂中光明所照皆如是也阿彌陀佛頂中光明所照照千万佛國所以諸佛光明所

照有近遠者何本其前世宿命求道為菩薩時所願功德各自有大小至其然後作佛時各自得之是故今光明轉不同等諸佛威神同等耳自在意所欲作為不豫計阿彌陀佛光明所照最大諸佛光明皆所不能及也佛稱譽阿彌陀佛光明極善阿彌陀佛光明極善善中明好甚快無比絕殊無極也阿彌陀佛光明清淨無瑕穢無缺減也阿彌陀佛光明姝好勝於日月之明百千億万倍諸佛光明中之極明也光明中之極好也光明中之極雄傑也光明之中快善也諸佛中之王也光明中之極尊也光明中之最明無極也焰

照上
照諸無數天下幽冥之眾皆常大明諸有人民蚬飛蠕動之類莫不見阿彌陀佛光明也見者莫不慈心歡喜者世間諸有姪洙瞋怒愚癡者見阿彌陀佛光明莫不作善也諸在泥犁禽獸薛荔考掠勤苦之眾見阿彌陀佛光明至皆休止不復治死後莫不得解脫憂

苦者也阿彌陀佛光明名聞八方上下無窮極無央數諸佛國諸天人民莫不聞知聞知者莫不度脫也佛言不獨我稱譽阿彌陀佛光明也八方上下無央數佛辟支佛菩薩阿羅漢所稱譽皆如是佛言其有人民善男子善女人聞阿彌陀佛聲稱譽光明朝暮常稱譽其光明好至心不斷絕在心所願往生阿彌陀佛國可得為衆菩薩阿羅漢所尊敬若其然後作佛者亦當復為八方上下無諸央數佛辟支佛菩薩阿羅漢所稱譽光明如是也即衆比丘僧諸菩薩阿羅漢諸天帝王人民聞之皆歡喜踊躍莫不讚歎者佛言我道阿彌陀佛光明殊好魏魏稱譽快善晝夜一劫尚未竟也我但為若曹少說之耳佛說阿彌陀佛為菩薩求索得是二十四願時阿闍世王太子與五百長者迦羅越子各持一金華蓋俱到佛所前為佛作禮以頭面著佛足皆持金華蓋前上佛已悉却坐一面聽經阿

闍世王太子及五百長者子聞阿彌陀佛二十四願皆大歡喜踊躍心中俱願言令我等後作佛時皆如阿彌陀佛佛即知之告諸比丘僧是阿闍世王太子及五百長者子却後無數劫皆當作佛如阿彌陀佛佛言是阿闍世王太子及五百長者子住菩薩道以來無央數劫皆各供養四百億佛已今復來供養我阿闍世王太子及五百長者子等皆前世迦葉佛時為我作弟子今皆復會是共相值也則諸比丘僧聞佛言皆踊躍莫不代之歡喜者佛告阿難阿彌陀作佛以來凡十小劫所居國土名須摩題正在西方去是闍浮提地界千億萬須弥山佛國其國地皆自然七寶其一寶者名白銀二寶者名黃金三寶者水精四寶者瑠璃五寶者珊瑚六寶者琥珀七寶者磲磔是為七寶皆以自共為地曠蕩甚大無極皆自相參轉相入中各自焜煌參明極自濡好甚殊無比其七寶地諸八方上

第七上

十

下衆寶中精味自然合會其化生耳其實皆比第六天上之七寶也其國中無有須彌山其日月星辰第一四天王第二忉利天皆在虛空中其國土無有大海亦無有小海水亦無江河恒水也亦無有山林谿谷無有幽冥之象其國七寶地皆平正無有泥犁禽獸薜荔蚰飛蠕動之類無有阿須倫諸龍鬼神終無天雨時亦無有春夏秋冬亦無大寒亦無大熱常和調中適甚快善無比皆有自然萬種之物百味飲食意欲有所得即自然在前所不用者即自然去比如第六天上自然之物恣若自然即皆隨意其國中悉諸菩薩阿羅漢無有婦女壽命無央數劫女人往生即化成男子但有諸菩薩阿羅漢無央數悉皆洞視徹聽悉遙相見遙相瞻望遙相聞語聲悉皆求道善者同一種類無有異人其諸菩薩阿羅漢面目皆端正淨潔絕好悉同無色無有偏醜惡者也諸菩薩阿羅漢皆才猛黠

皆衣自然之衣心中所念道德其欲語言皆豫相知意所念言常說正事所語輒說經道終不說他餘之惡其語言音響如三百鍾聲皆相敬愛無相嫉憎者皆以長幼上下先後言之以義如禮轉相敬事如兄如弟以仁履義不妄動作言語如誠轉相敬令不相違矣轉相承受皆心淨潔無所貪慕終無瞋怒嫉妬之心愚癡之態無有邪心念婦女意悉皆智慧勇猛和心歡樂好喜經道自知前世所從來生億萬劫時宿命善惡存亡現在却知無極阿彌陀佛所可敬授講堂精舍皆復自然七寶金銀水精瑠璃白玉琥珀磑磑自共相成甚殊明好奇絕無比亦無作者不知所從來亦無持來者亦無所從去阿彌陀佛所願德重其人作善故論經語義說經行道講會其中自然化生耳其講堂精舍皆復有七寶樓觀欄楯復以金銀水精瑠璃白玉琥珀磑磑為瓔珞復以白珠明月珠摩尼珠為交

露覆蓋其上皆作五音聲甚好無比諸菩薩
阿羅漢所居舍宅皆復以七寶金銀水精瑠
璃珊瑚琥珀磔磔碼碯化生轉共相成其舍
宅悉各有七寶樓觀欄楯復以金銀水精瑠
璃白玉琥珀磔磔碼碯復以白珠明月珠
摩尼珠爲交露覆蓋其土皆各復自作五音

聲阿彌陀佛講堂精舍及諸菩薩阿羅漢所
居舍宅中內外露覆皆復有自然流泉浴池
皆與自然七寶俱生金銀水精瑠璃琥珀磔
磔轉共相成純金池者其水底沙白銀也純
白銀池者其水底沙黃金也純水精池者其
水底沙瑠璃也純瑠璃池者其水底沙水精
也純珊瑚池者其水底沙琥珀也純琥珀池
者其水底沙珊瑚也純磔磔池者其水底沙
碼碯也純碼碯池者其水底沙磔磔也純白
玉池者其水底沙紫磨金也純紫磨金池者
其水底沙白玉也中復有兩寶共作一池者
其水底沙金銀也中復有三寶共作一池者

上

三

其水底沙金銀水精也中復有四寶共作一
池者其水底沙金銀水精瑠璃也中有五寶
共作一池者其水底沙金銀水精瑠璃珊瑚
也中有六寶共作一池者其水底沙金銀水
精瑠璃珊瑚琥珀也中有七寶共作一池者
其水底沙金銀水精瑠璃珊瑚琥珀磔磔也
中有浴池長四十里者有長八十里者有長
百六十里者有長三百二十里者有長六百
四十里者有長千二百八十里者有長二千
五百六十里者有長五千一百二十里者有
長萬二千四百四十里者有長二萬四百八十
里者其他縱廣適等是池者皆諸菩薩阿羅漢
常所可浴池佛言阿彌陀佛浴池長四萬八千
里廣亦四萬八千里其池皆以七寶轉共相
成其水底沙白珠明月珠摩尼珠也阿彌陀
佛及諸菩薩阿羅漢浴池中水皆清香潔池
中皆有香華悉自然生百種華種種異色色
異香華枝皆千葉其香無比也香不可言其

華者亦非世間之華復非天上之華香此華香都八方上下衆華香中精也自然化生耳其池中水流行轉相灌注其水流行亦不遲不駛皆復作五音聲佛言八方上下無央數佛國諸天人民及蚬飛蠕動之類諸生阿彌陀佛國者皆於七寶水池蓮華中化生便自

然長大亦無乳養之者皆食自然之飲食其身體亦非世間人之身體亦非天上人之身體皆積衆善之德悉受自然虛無之身無極之體甚姝好無比佛語阿難如世間貧窮乞丐人今在帝王邊住者其面目形狀寧類帝王面目形類顏色不阿難言假使子在帝王邊住者其面目形狀甚醜惡不好不如帝王百千億万倍也所以者何乞人貧窮困極飲食常惡未嘗有美食時既惡食不能得飽食裁支命骨節相穿挂無以自給常乏無有儲飢餓寒凍怔忡愁苦但坐前世為人愚癡無智慳貪不肯慈哀為善博愛施與但欲唐得

貪惜飲食獨食嗜美不信施貧後得報償復不信作善後世當得其福蒙慳吝恨蓋作衆惡如是壽終財物盡索素無恩德無所恃怙入惡道中坐之適苦然後得出解脫今生為人作於下賤為貧家作子強像人形狀類甚醜衣被弊壞單空獨立不蔽形體乞丐生耳肌寒困苦面目羸劣不類人色坐其前世身之所作受其殃罰示衆見之莫誰哀者棄捐市道曝露瘠瘦黑醜惡極不及人再所以帝王人中獨尊最好者何皆其前世為人時作善信受經道布施德博愛順義慈仁喜與不貪飲食與衆共之無所遺惜都無違諍得其善福壽終德隨不更惡道今生為人得生王家自然尊貴獨王典主攬制人民為其雄傑面目潔白和顏好色身體端正衆共敬事美食好衣隨心恣意若樂所欲自然在前都無違諍於人中姝好無憂快樂面目光澤故乃尔耳佛告阿難若言是也帝王雖於人中

好無比者當今在遮迦越王邊住者其面形類甚醜惡不比如乞人在帝王邊住耳其帝王面目尚復不如遮迦越王面色姝好百千万倍如遮迦越王於天王絕好無比當今在第二天王邊住者其面甚醜不好尚復不如帝釋面類端正姝好百千億万倍如天帝釋

十四

十四

今在第六天王邊住者其面類少醜不好尚復不如第六天王面類端正姝好百千億万倍如第六天王令在阿彌陀佛國中諸菩薩阿羅漢邊住者其面甚醜尚復不如阿彌陀佛國中菩薩阿羅漢面類端正姝好百千億万倍佛言阿彌陀佛國諸菩薩阿羅漢面類悉皆端正絕好無比次於泥洹之道阿彌陀佛及諸菩薩阿羅漢講堂精舍所居舍宅中内外浴池上皆有七寶樹中有純金樹純銀樹純水精樹純瑠璃樹純白玉樹純珊瑚樹純琥珀樹純磲磔樹種種各自異行中有兩寶共作一樹者銀樹銀根金莖銀枝金葉

銀華金寶金樹者金根瑠璃莖水精枝瑠璃葉水精華瑠璃寶瑠璃樹者瑠璃根水精莖瑠璃枝水精華瑠璃華水精實是二寶共作一樹中復有四寶共作一樹者水精樹水精根瑠璃莖金枝銀華水精華瑠璃寶瑠璃樹者瑠璃根水精莖金枝銀華水精華瑠璃實是四寶樹轉共相成各自異行中復有五寶共作一樹者銀樹銀根金莖水精枝瑠璃葉銀華金寶金樹者金根銀莖水精枝瑠璃葉瑠璃華銀實水精樹者水精根瑠璃莖瑠璃枝銀華金華瑠璃寶瑠璃樹者瑠璃根瑠璃莖水精枝金葉銀華瑠璃寶瑠璃樹者瑠璃根瑠璃莖水精枝金葉銀華瑠璃實是五寶共作一樹各自異行中有六寶共作一樹者銀樹銀根金莖水精枝瑠璃葉瑠璃華琥珀實水精樹水精根瑠璃莖瑠璃枝琥珀葉銀華金寶瑠璃樹者瑠璃根瑠璃莖琥珀枝水精華金華銀實是六寶樹轉共相成各自異

十五

十五

行中復有七寶共作一樹者銀樹銀根金莖
水精枝瑠璃葉珊瑚華琥珀寶金樹者金根
水精莖瑠璃枝珊瑚葉琥珀華銀寶水精樹
者水精根瑠璃莖珊瑚枝琥珀葉碑碑華白
玉寶珊瑚樹者珊瑚根琥珀莖白玉枝瑠璃
葉碑碑華明珠寶琥珀樹者琥珀根白玉
莖珊瑚枝瑠璃葉水精華金寶白玉樹者白
玉根碑碑莖珊瑚枝琥珀葉金華摩尼珠寶
是七寶樹轉共相成種種各自異行行相值
莖莖自相准枝枝自相值葉葉自相向華華
自相望寶寶相當佛言祇阿陀佛當講堂精
舍中內外七寶浴池遶邊上諸七寶樹及諸
菩薩阿羅漢七寶舍宅中內外七寶浴池遶
池邊諸七寶樹數千百種行皆各如是各自
作五音聲音聲甚好無比也佛告阿難如世
間帝王有百種伎樂音聲不如遮迦越王諸
伎樂音聲好百千万億如遮迦越王万種伎
樂音聲尚復不如第二忉利天上諸伎樂一

音聲百千万億万倍如忉利天上万種伎樂之
聲尚復不如第六天上一音聲好百千万
倍如第六天上万種音樂之聲尚復不如阿
彌陀佛國中七寶樹一音聲好百千万倍阿
彌陀佛國中亦有万種自然伎樂甚樂無極
阿彌陀佛及諸菩薩阿羅漢欲浴時便各自
可入其七寶池中浴諸菩薩阿羅漢意欲令
水没足水即没足意欲令水至膝水即至膝
意欲令水至腰水即至腰意欲令水至腋水
即至腋意欲令水至頸水即至頸意欲令水
自灌身上水即自灌身上意欲令水還復如
故水即還復如故恣若隨意所好喜佛言阿
彌陀及諸菩薩阿羅漢皆浴已悉自於一大
蓮華上坐即四方自然乱風起其乱風者亦
非世間之風亦非天上之風都八方上下衆
風中精自然合會化生耳不寒不熱常和調
中適甚涼好無比也徐起不遲不駛適得中
宜吹七寶樹皆作五音聲以七寶樹華悉覆

其國中皆散佛及諸菩薩阿羅漢上華隨墮地皆厚四寸極自軟好無比即自然亂風吹萎華悉自然去即復四方自然亂風吹七寶樹樹皆復作五音聲樹華皆自然散佛及諸菩薩阿羅漢上華小萎墮地即自然去即復四方亂風起吹七寶樹如是四方諸菩薩阿羅漢中有但欲聞經者中有但欲聞音樂者中有但欲聞華香者有不欲聞經者有不欲聞音樂聲有不欲聞者則獨不聞隨意所欲喜樂不違其願也俗訖各自去行道中有在地講經者誦經者說經者口受經者聽經者念經者思道者坐禪者經行者中有在虛空中講經者誦經者說經者口受經者聽經者念經者思道者坐禪一心者經行者未得須臾隨道者即得須臾隨道未得斯隨舍道者即得斯隨舍道未得阿那舍道者即得阿那舍道未得阿羅漢道者即得阿羅漢道未得阿惟越致菩薩者即得阿惟越致各自說經

齊上

七

行道悉皆得道莫不歡喜踊躍者也諸菩薩中有意欲供養八方上下無央數諸佛即皆俱前為佛作禮白佛辭行供養八方上下無央數佛佛即然可之即使行諸菩薩皆大歡喜數千億萬人無央數不可復計皆當慧勇猛各自翻輦飛行俱共散飛則到八方上下無央數諸佛所皆前為諸佛作禮即便供養意欲得萬種自然之物在前即自然百種雜色華百種雜繒綵百種劫波育衣七寶燈火萬種伎樂悉皆在前其華香萬種自然之物亦非世間之物亦非天上之物也是萬種物都八方上下眾自然合會化生耳意欲得者即自然化生意不用者即化去諸菩薩便共持供養諸佛及諸菩薩阿羅漢邊傍前後迴遶周匝在意所欲即轉皆至當是之時快樂不可言也諸菩薩意各欲得四十里華即自然在前便於虛空中共持散諸佛及菩薩阿羅漢上皆在虛空中下向華甚香好小萎墮

地即自然乱風吹萎華悉自然去諸菩薩意各復欲得八十里華即自然在前共持散諸佛及諸菩薩阿羅漢上華皆復在虛空中下向小萎愼地即自然乱風吹萎華悉自然去諸菩薩意各復欲得百六十里即自然在前便於虛空中共持散諸佛及諸菩薩阿羅漢上華皆復於虛空中下向小萎愼地即自然乱風吹萎華悉自然去諸菩薩意各復欲得三百二十里華即自然在前復於虛空中持散諸佛及諸菩薩阿羅漢上華於虛空中下向小萎愼地即自然乱風吹萎華悉自然去諸菩薩意各復欲得六百四十里華即自然在前復以散諸佛及諸菩薩阿羅漢上皆在虛空中下向小萎愼地乱風自然吹萎華去諸菩薩意各復欲得千二百八十里華即自然在前復於虛空中共持散諸佛及諸菩薩阿羅漢上皆在虛空中下向小萎愼地乱風自然吹萎華悉自去諸菩薩意各復欲得二

持至五

十八

千五百六十里華即自然在前復於虛空中共持散諸佛及諸菩薩阿羅漢上皆在虛空中下向小萎愼地乱風吹萎華悉自然去諸菩薩意各復欲得五千一百二十里華即自然在前復於虛空中共持散諸佛及諸菩薩阿羅漢上皆在虛空中下向小萎愼地乱風吹萎華悉自然去諸菩薩意各復欲得五万里華即皆在前復於虛空中共持散諸佛及諸菩薩阿羅漢上皆在虛空中下向小萎愼地乱風吹萎華悉自然去諸菩薩意各復欲得五万里華即皆在前復於虛空中共持散諸佛及諸菩薩阿羅漢上皆在虛空中下向小萎愼地乱風吹萎華悉自然去諸菩薩意各復欲得十万里華即皆在前復於虛空中共持散諸佛及諸菩薩阿